

氣射天良父乃散十月丙子赤氣見于東方  
十六年正月乙酉赤氣如火西方爲甚丙午  
夜赤祲見于東方二月丁未朔夜赤祲見于  
東西戊申夜赤祲見于東庚戌夜東西南方  
赤氣衝天壬子夜赤氣衝天庚午赤氣見于  
東北方五月丙子朔雨血于泥峴六月庚午  
漣州澄波渡水赤三日十一月辛卯夜赤氣  
見于西北壬辰夜赤氣見于東北十七年二  
月甲辰夜赤祲如火壬戌夜赤祲甲子亦如

高麗史卷五十三

三十一